

Titulo ta "Unda bo ta Mami"

Yolanda Croes cu novela nobo riba mercado

Storia basa riba realidad di e bida tristo y dramático di un muher Arubiano y su dos yiu



Joshua cu Jotham hunto cu nan primonan na Aruba; un infancia feliz y inocente cu a wordo roba for di nan na un manera bruto.

ORANJESTAD (AAN): Pronto lo ta riba mercado e buki nobo di autor Yolanda

Croes titula: Unda bo ta, mami? Un obra saca for di bida real cu ta conta e storia

tristo di dos criatura cu ta worde secuestra pa nan propio tata y hiba leu for di nan mama y leu for di nan tera. Pa añanan largo e muchanan ta lastra di porta pa porta, ta huy di un pais pa otro, cambiando siete school den siete aña den un fuga largo y amargo, pa motibonan vengativo.

Amistad, fiesta di mucha o e simpel calor di un hogar ta cosnan cu e muchanan no a lanta cu ne den e añanan sin nan mama. Pero un fe grandi den Dios y un amor incondicional pa nan mama ta pone cu riba un bon dia providencia mes ta haci cu e dos criaturanan ta haya nan caminda back pa cas. Un storia yena cu emocion, caminda traicion, abuso verbal y hasta abuso sexual dentro di matrimonio ta hera kibra bida y sano huicio di un hende muhe, pero den cual un amor insobrepasabel y un fe indestructible cu den bida tin Uno mas grandi cu nos tur na mundo, ta pone cu finalmente bondad ta triunfa riba maldad.

Yolanda Croes, den su estilo unico di skirbi y kende semper sa di conmove su lectoran cu su novelanan 'true stories' den nos dushi lenga Papiamentu, e biaha aki ta conta nos na un manera franco y abierto di e bida turbulento di Maria, Joshua y Jotham; un famia Arubiano manera tin hopi aki riba nos isla chikito. Na prome bista hamas lo bo sospecha tanto tristesa y tanto lagrima den curason di tres prohimo asina devoto y humilde. Pero apariencia sa gafa y den caso di Maria, henter su bida matrimonial tabata un mentira largo y doloroso. Lanta como muchu inocente den un bario durmiente patras na Savaneta, e tabata preti wowo di su tata

y no tabata conoce nada otro cu felicidad den un hogar bastante proteha.

Bibando segun e scrituranan estricto di Jehova y mantenendo su mes na e leynan moral severo di e generacionnan di antes, tata di Maria a cria su yiu muherman sera

den cas pa asina, cu frenta na laira, e por entrega nan un pa un intacto y como señorita fini na nan futuro



Maria cu su dos prinsnan na Hulanda. Un temporada di su bida cu a laga cicatrisnan grandi atras.

esposonan. "Yiu muher ta pa cuida", tabata su lema sagrado, pasobra "...yiu homber por cai den lodo y sali limpi bek, pero un yiu muher ta keda desgracia pa resto di su bida." Maske cu Maria nunca no por a compronde e dicho hopi usa aki den nan cas, tog semper el a obedece su mayornan manera yiu bon cria.

Pero gana di sali for bou di e yugo di su cas maternal sigur Maria tabatin y esaki tabata loke a pone cu el a dal aden cu e prome homber cu a crusa su caminda. Di un banda Maria tabatin un ansha pa purba e miel dushi cu ta emana for di un matrimonio, cu tabata existi solamente den su imaginacion infantil. Di otro banda, e mucha muher bunita cabey largo preto tabata anhele mas cu tur cos di tin su libertad y di tin su propio hogar. Ya cu su religion ta consider a fornicacion fuera di matrimonio un pica mortal, riba cual tin hasta castigo di scomulgacion for di e religion, a haci cu Maria tabatin mas pura pa casa ainda. Mas cu tur cos, e tabata kier a sa pa su mes kico kier men pa ta un muher completo.

Pero tog..., Maria tabatin su dudan fuerte. Di otro banda su mayornan tabata presion'e pa busca un casamento pa caba ya cu e tabata birando muher bieu den

cas y nan temor pa nan preti wowo peca den wowo di Dios, tabatin nan nervionan na werki. E muchahomber sinembargo, no tabata di su mes raza, ni di su mes cultura. Ni nan idioma no tabata similar, sino solamente nan religion, loke a carga aprobacion final di su mayornan. Di modo cu Maria, na comienzo di añanan setenta, di puro miedo di keda den cas manera un piedr'i fagon, a casa na edad di 22 aña cu un persona cu di baina e tabata conoce drechi.

Kico a pasa cu Maria? Con su bida a sigui? Kico a conduci na e secuestro cruel y con su yiuinan a sobrevivi e temporada sin e amor y calor di nan mama cu nan tabata adora?

Tur esaki bo por lesa den e best-seller nobo di Yolanda Croes, autor di e novela cu a conquista

Unda bo ta mami?



Yolanda Croes

perde su inocencia di un anochi pa mainta y ta sigui carga e dolor aki pa semper. Proyecta pa publicacion den 2002, keda pendiente pa: Amy, lagrima di un Angel. E crimen di Simpson bay. Yolanda Croes ta publica su bukinan bou di maneho propio. Un danki ta bay na tur cu di un forma of otro a aporta na realizacion di e buki aki. Unda bo ta mami ta un producto local completo cu ta worde imprimi aki na Aruba mes na VAD Printers. Portada ta diseño di ruman mas chikito di e autor, Maybeline Ungar-Croes, kende ta diseñador grafico. Potret di e autor ta di Checkpoint color. Make-up artist ta e conocido talento local Rossini van Wijk.

cada un riba nos isla y den Antiyas henter: Acompaña pa un Angel, E tragedia di buelo 2000. For di man di Yolanda Croes a keda publica tambe e obra: Perdi riba lama, den cua piscadornan Arubiano ta conta nan odiseo riba lama.

E obra literario Unda bo ta Mami ta hiba un prologo di Prome Dama di Aruba, sra Dora Koolman-Croes, alavez dama protectora di e Fundacion di Hende Muher den Dificultad, na cual fundacion Yolanda ta ofrece parti di fondonan recobra di benta di e buki aki. Cumprando su buki, bo ta aporta alavez na un bon causa, apoyando loke ta di nos propio suelo y contribuyendo na yuda nos sernan femenino cu ta pasando, na momento cu bo ta lesando esaki, den un grado of otro, den e mesun dolor cu Maria.

Proximo Obra: Un crimen den añanan 80 na St Maarten E proximo novela di Yolanda Croes ta trata e crimen horendo cu a tuma luga na St. Maarten na principio di añanan 80, caminda un mucha chikito ta worde saca for di su cama, hiba den un boto den lagun, viola brutalmente y despues mata na un manera sumamente cruel. E autor tabata biba na e isla di St. Maarten e tempo aki y e suceso a laga rastornan profundo atras.

Prepara pa lesa con un isla ta